



Váidinčujuhus

Váidineiseváldi Dán mearrádussii duhtameahttun oažžu ohcat nuppástusa váidimiin Davvi-Suoma hálddahasriektái čálalaš váidagiin.

Váidináigi Váidaga galgá doaimmahit mearrebáikái **30 beivve siste** guovlohálddahasdoaimmahaga mearrádusa dihtuioažžunbeaivvis. Váidináiggi rehkenastimis dihtuioažžunbeaivi ii váldojuvvo lohku. Váidda galgá leat mearrebáikkis virgeáigge mañimuštá váidináiggi mañimuš beaivve. Jos váidináiggi mañimuš beaivi lea bassebeaivi, iehčanasvuodabeaivi, válbormeaivi, juovla- dahje mihcamárruohtta dahje árgalávvardat, oažžu váidaga doaimmahit vuosttas árgabeaivve dan mañjá.

Dihtuioažžunbeaivvi čujuha diehtunaddin- dahje vuostáváldinduođaštus. Go mearrádus lea addon diehtun reivviin almmá vuostáváldinduođaštusa, gehččojuvvo vuostáváldi ožžon mearrádusas dieđu čihččet (7) beaivve reivve sáddemis, jos ii eará čujuhuvvo. Dalle go gažaldagas lea gaskagieđa diehtunaddin, mearrádus gehččojuvvo bohtán diehtun, jos ii eará čujuhuvvo, goalmát (3) beaivve diehtunaddin- dahje vuostáváldinduođaštusa čujuhan beaivvis. Virgereive gehččojuvvo bohtán eiseválddi dihtui dan bohtinbeaivve.

Almmolaš diehtunaddimin diehtun addon mearrádusa dihtuioažžun gehččojuvvo dáhpáhuvván čihččet beaivve almmuhusa almmustahttimis virggálaš bládis.

Váidinreivve doaimmaheapmi

Váidinreivve galgá doaimmahit váidináigge Davvi-Suoma hálddahasrievtti girjenkantuvrii. ležas ovddasvástádusain váidináššegirjiid sáhtta sáddet poastta mielde, telekopian, šleađgapoastan dahje sáttatolbmo bokte. Postii váidináššegirjiid galgá guođđit dan mađi áiggil, ahte dat gerget mearrebáikái váidináiggi mañimuš beaivve ovdal go virgedoaimmahat giddejuvvo.

Telekopian dahje šleađgapoastan sádden dáhpáhuvvá sáddejeaddji ovddasvástádusain, ja váidinreivve galgá sáddet ovdal váidináiggi nohkama nu, ahte váidinreive lea hálddahasrievtti geavaheamis vuostáváldinrusttegis dahje diehtovuogádagas. Váidinreive gehččojuvvo bohtán jos hálddahasriekti bastá teknihkalaččat gieđahallat áššegirji.

Elektrihkalaš áššegirji, man sáddejeaddjis ii oaččo čielggasvuoda ja man sisdoalu ii muđuige sáhte rahpat, ii gehččojuvvo bohtán. Jos eiseválddi geavahan elektrihkalaš vuogádat lea vigálaš dahje eret anus dahje čielggadusa áššegirji bohtináiggis ii eará vástideaddji siva geažil sáhte oažžut, elektrihkalaš áššegirji bohtináigin meroštallo áššegirji sáddenáigi. Sáddenáiggi gávnaheapmi bohtináigin gáibida, ahte sáddenáiggis ovdanbuktojuvvo luohtehahti čielggadus.

Olmmoš, guhte lea giddejuvvon lágádusas (suljettu laitós), sáhtá addit váidinreivve váidináiggi siste maid lágádusa hovdii.

Váidalusa lea vejolaš dahka maiddái hálldahus- ja erenomašduopmostuoluid áššehasbálvalusas čujuhusas <https://asiointi2.oikeus.fi/hallintotuomioistuimet>.

Váidinreivve sisdoallu ja vuolláičállin

Váidinreivves galgá almmuhit

- váidi nama ja ruoktogieldda
- poastačujuhusa ja telefonnummira, gosa ášši gieđahallamii guoski almmuhusaid váidái sáhtá doaimmahit
- mearrádusa, masa ohccojuvvo nuppástus
- gokko buohta ja mat nuppástusat mearrádussii gáibiduvvojit dahkkot
- vuodustusaid, maiguin nuppástus gáibiduvvo.

Váidi, lágalaš ovddasteaddji dahje áššeolmmoš galgá vuolláičállit váidinreivve. Jos váidi hupmanválddi geavaha su lágalaš ovddasteaddji dahje áššeolmmoš dahje jos váidaga dahkkin lea eará olmmoš, galgá váidinreivves almmuhit maid su nama, ámmáha ja ruoktogieldda. Elektrihkalaččat bohtán áššegirji ii dárbbas dievasmahttit dušše vuolláičállosa oažžuma dihte, jos áššegirjis leat dieđut sáddejeaddjis iige áššis leat muđui sivva eahpidit sáddejeaddji identitehta dahje dan, ahte dieđu sisdoallu lea rievdan elektrihkalaš áššiiddikšundáhpáhusa áigge.

Váidinreivve čuvvosat

Váidinreivii galgá laktit

- guovlohálldahusdoaimmahaga mearrádusa originálan dahje kopian
- duođaštusa das, man beavve mearrádus lea addon diehtun dahje eará čielggadus váidináiggi álgináiggis

- áššegirjjiid, maidda váidi doarjala gáibádusas doarjjan, jos dat eai leat juo ovdal doaimmahuvvon eiseválddiide.

Áššeolmmoš, jos son ii leat ášševuoddji dahje almmolaš riekteveahkki, galgá laktit váidagii váldegirjji, jos váidi ii leat fápmudan su njálmálaččat váidneiseválddis. Jos hálddahasriektái doaimmahuvvon elektrihkalaš váidináššegirjjis lea čielggadus áššeolbmo doaibmaválddis, áššeolmmoš ii dárbbas doaimmahit váldegirjji. Hálddahasriekti sáhtta goit mearrat váldegirjji doaimmahanláhkai, jos das lea sivva eahpidit áššeolbmo doaibmaválddi dahje dan viidodaga.

Davvi-Suoma hálddahasrievtti oktavuodadieđut

Poastačujuhhus: PL 189, 90101 Oulu

Uksačujuhhus: Isokatu 4, Oulu

Telefon:

-molssa 029 56 42800

Telekopia: 029 56 42841

Šleađgapoasta: pohjois-suomi.hao@oikeus.fi